

LUTHERA THUINCHHAN

Luthera Thuinchhand Butê

leh

Naupang leh Puitlingte tana Hrilhfiahna

David P. Kuske

Rev. Dr. Lal Sawi Thanga

A CHHUNGA THUTE

Thupui

Phek

Thuhmahruai

v

LUTHERA ZIAK THUINCHHANG BUTÊ

Thupek Sawmte	1
Thurin	5
Lalpa Tawngtaina	8
Baptisma Sakramen Thianghlim	13
Chabite Leh Inpuannate	16
Lalpa Zanriah Sakramen Inpawlna Thianghlim	19
Nicea Thurin	21
Nitin Tawngtainate	22
Mawhphurhnate	24

LUTHERA THUINCHHANG BUTÊ HRILHFIAHNA

Thuinchhang Butê Ziaktu Martin Luther	28
Baibul	37
Thupek Sawmte	
Dan	58
Thupek Pakhatna	72
Thupek Pahnihna	80
Thupek Pathumna	90
Thupek Palina	103
Thupek Pangana	115
Thupek Parukna	124
Thupek Pasarihna	135

<i>Thupui</i>	<i>Phek</i>
Thupek Pariatna	144
Thupek Pakuana	152
Thupek Sawmna	152
Khaikhawmna	165

Thurin

Chanchin Tha	176
Thuziak Pakhatna	185
Thuziak Pahnihna	206
Thuziak Pathumna	247

Baptisma Thianghlim

Baptisman Inrelbawl Dan	302
Baptisma Malsawmnate	309
Baptisma Thiltihtheihna	313
Kan Nitin Nun Atana Baptisma Awmzia	318

Inpawlna Thianghlim

Inpawlna Thianghlim Inrelbawl Dan	326
Inpawlna Thianghlim Malsawmnate	331
Inpawlna Thianghlim Thiltihtheihna	335
Inpawlna Thianghlim Chan Dan	338

Chabite Leh Inpuannaate

Chabite	348
Chabite Vantlang Huapa Hmanna	354
Inpuanna	363

Lalpa Tawngtaina

Tawngtaina	372
------------	-----

<i>Thupui</i>	<i>Phek</i>
Kohna	376
Dilna Pakhatna	379
Dilna Pahnihna	383
Dilna Pathumna	388
Dilna Palina	396
Dilna Pangana	401
Dilna Parukna	406
Dilna Pasarihna	412
Chawimawina	416
Kristian Zawhnate	421
Thubelh	
Thu Har Hrilhfiahna	426
Thupui Zawnawlna	439
Baibul Chang Zawnawlna	453

THUHMAHRUAI

BAIBUL zirtirna thu tak laipui pawimawh tak mai chu tawi kimchang tak leh fiah fel ṭha taka ziakin Kristian zawng zawngin an hriat fiah theih ngei turin Dr. Martin Luthera chuan a Kaihhruaina Butê, THUINCHHANG angin a siam a ni.

He lehkhabu ṭhen hmasa lam hi chu Thuinchhang Butê, kum 1529-a Luthera ziaak lehlin a ni. He lehkhabu ṭhen hnuhnung zawk hi chu ṭhen hmasa zawka Luther-an a ziaak hrilhfiahna a ni thung.

Hrilhfiahnaah hian Thuinchhang Butê Luther-an a ziaak bung tin chu zawhna leh chhanna hmanga hrilhfiah a ni. Zawhna tinah chuan Baibul chang tar lan zel a ni. A chhanna hi chu Baibul thu zirtir dan laktawi mai a ni thung.

Hrilhfiahna hmun tam takah Lutheran Kohhranin kan hman lar êm êm ṭawngkam leh chin dan ṭhenkhat hrilhfiahna tihtel a ni a. Hrilhfiahna tluanin a bung chhung thua zirtirna pawimawh zual bikte hrilhfiah thei tur lemziaak zeh tel zel a ni.

He lehkhabu hi chik tak leh uluk takin zir nawn fo la, tichuan Baibul zirtirna thutak i hriatna chu lo thuk deuh deuh sela, fiahin lo nghet zual zel mawlh rawh se.

David P.Kuske

LUTHERA ZIAK THUINCHHANG BUTÊ CHU

THUPEK SAWMTE

Chhungkaw hotu lu ber, pain Thupek Sawm ama in chhungkua a zirtir dan tur chu:

Thupek Pakhatna:

Keimah lo chu pathian dang i nei tur a ni lo.

Hei hi engnge a awmzia?

Pathian chu thil dang zawng zawng aiin kan ðihin kan hmangaih ang a, Amahah chauh kan intulutin kan inngat tur a ni.

Thupek Pahnihna:

Lalpa i Pathian hming chu dik lo takin i hmang mai mai tur a ni lo.

Hei hi engnge a awmzia?

Pathian chu kan ðihin kan hmangaih tur a ni a, a hming chu anchhe lawhna atan te, chhechham nan te, dawt sawina atan te, mi bum nan te, dawî lam thil tihna atante kan hmang tur a ni lo. Harsatna kan tawh hun apiangah fakna leh ðawngðaina tinrengahte a hming thianghlim chu lamin, lawm thu kan sawi zawk tur a ni.

Thupek Pathumna:

Chawlhni chu thianghlim taka serh tur a ni.

Hei hi engnge a awmzia?

Pathian chu ðiha hmangaih tur kan nih avangin, a thu puan chhuah leh hril hna chu kan hmusit tur a ni lo va, a thianghlim a ni tih

pawm tlat chungin lawm taka zirin kan ngaithla zawk tur a ni.

Thupek Palina:

I nu leh i pa chawimawi rawh. Chutichuan i tan a ðha ang a, leiah hian i dam rei bawk ang.

Hei hi engnge a awmzia?

Pathian chu ðiha chawimawi tur kan nih avangin, kan nu leh pate leh kan chungu thu neitute pawh kan tithinurin kan timualpho tur a ni lo va, anmahni chawimawi leh rawng bawlsakin an thu kan awi zawk tur a ni a. Anmahni kan hmangaihna leh zahna chu kan lantir tur a ni.

Thupek Pangana:

Tual i that tur a ni lo.

Hei hi engnge a awmzia?

Pathian chu ðiha hmangaih tur kan nih avangin, kan vengte chu kan lainat tur a ni a, an mamawh tinrengah ðanpuiin ðhianah kan siam zawk tur a ni.

Thupek Parukna:

I uire tur a ni lo.

Hei hi engnge a awmzia?

Pathian chu ðiha hmangaih tur kan nih avangin ðawngkam leh thiltihah ðha tak leh fel mawi taka nung tur kan ni a, nupa pawh inhmagaih tawn leh inchawimawi tawn tur kan ni.

Thupek Pasarihna:

I ru tur a ni lo.

Hei hi engnge a awmzia?

Pathian chu ðiha hmangaih tur kan nih avangin, kan vengte sum leh neih thilte chu dik lo takin kan chhuhsak tur a ni lo va, an sum lakluh leh bungraw neihte chu kan tihpun sakin kan humhimpui zawk tur a ni.

Thupek Pariatna:

I vengte lakah hretu derah i insiam tur a ni lo.

Hei hi engnge a awmzia?

Pathian chu òha hmangaih tur kan nih avangin, kan vengte chungah dawt kan sawi tur a ni lo va, phatsanin an hming chhiatna turin thil kan ti tur a ni hek lo. Kan vengte chu faka chawimawiin an mawi lohna tur leh hming chhiatna turah kan hum tur a ni a, an òawngkam leh thil tihte chu dawhthei takin kan dawngsawng zawk tur a ni.

Thupek Pakuana:

I vengte neih thil i awt tur a ni lo.

Hei hi engnge a awmzia?

Pathian chu òha hmangaih tur kan nih avangin, kan vengte thil neih, in leh lote chu neihsak kan tum tur a ni lo, humhima an kawl reng theihna turin kan humhalhpui zawk tur a ni.

Thupek Sawmna:

I vengte nupui, chhiahhlawh, ran rualte leh an neih thil reng reng i awt tur a ni lo.

Hei hi engnge a awmzia?

Pathian chu òha hmangaih tur kan nih avangin kan vengte nupuite, an hna thawktute, an ran rualte leh an neih thil reng rengte chu kan awt tur a ni lova, kan vawn himpui zawk tur a ni.

Khaikhawmna:

Heng thupek zawng zawng chungchangah hian Pathianin engnge a sawi le?

"Kei hi Lalpa in Pathian, Pathian thikthuchhia, ka thupek dodala bawhchhetute chu an thlahtute sualna avanga an thlah kal zel chhuan thum, chhuan li thlenga hrem òhin leh, min hmangaiha ka thupekte zawmtute erawh chu an thlahte hnena hmangaihna leh khawngaihna lantir òhintu ka ni."

BAIBUL

Baibul kan mamawh

1. Pathian a awm tih engtin nge kan hriat?

(1) *Hebrai 3:4*. Chhung tin hian puipa tu emaw tal an nei theuh si a; engkim puipa erawh chu Pathian a ni.

(2) *Sam 19:1-4*. (Sam ziaktu hian vana thilsiam awmte zawng zawng khian Pathian a awmzia an sawi thu a uar hle a. A bikin chang khatna hi hria ila.) Vante khian Pathian ropuizia chu a hriattir a; boruak zau tak khian a kut chhuak chu a lantir thin a. Chhun hian chhun hnenah thu a sawi chhawng zel a, zan hian zan hnenah hriatna a lan chhawntir zel a. Thu sawi reng reng leh jawng reng reng a awm lo va; an aw chu beng a hriat theih a ni lo. An tehna hrui chu leilung luah zawng zawngah zam chhuahin a awm a; an thu chu kawlkil thlengin a thang chhuak ta a. Chungah te chuan ni tan khian puan in a zar a.


(3) *Sam 14:1*. Mi a chuan, a rilruin, "Pathian reng a awm lo," a ti a. An chhe zo va, thil tenawm tak an ti a; Tumah thil tha ti reng an awm lo.

1. Pathian a awm tih chu a thilsiamte atangin kan hre thei a ni.

2. A thilsiamte atangin Pathian chungchang engnge kan hriat?

(4) *Tirhkohte Thiltih 14:17*. Nimahsela aman hriattirna awm lovin a insiam lo, chutin thil a ti tha thin a, van ata ruahte leh kum that kumte a pe che u a, in rilru ei tur leh lawmnain a tikhah thin che u kha," an ti a.

Pathian Hriatna



(5) *Sam 104*. Sam ziaktu hian Pathian thilsiam ropui leh mak zawng zawng a sawi chhuak a. A bikin chang 24 hi chhinchhiah ila: "Aw Lalpa, i thiltihte chu a va tam em! Finnain i siam vek a ni: Leilung hi i hausaknain a khat a nih hi."

(6) *Rom 1:20*. A thil hmuh theih loh (a chatuan thiltihtheihna leh a Pathianzia chu) khawvel siam tirh ata fiah taka hmuhin a awm a, thil siamah chuan a lang a ni; chuvang chuan chhuan lam tur an nei lo.

2. Pathian thil siam aṭangin amah chu ngilnel, fing, chatuan mi, engkim tithei a ni tih leh a Pathianzia chu kan hre thei.

3. **Kan chhia leh ṭha hriatna aṭangin Pathian chungchang engnge kan hriat theih?**

(7) *Rom 2:14-15*. Pathianin, ka Chanchin Ṭha sawi anga mihringte thuruk Isua Krista hmanga a ngaihtuah niah chuan, Dan anga titute chu mi fela chhiarin an awm zawk ang. Dan nei lo Jentailten mahni thinlung pianpuia Dan thilte chu an tihin, chung chuan Dan nei lo mah sela, anmahni leh anmahni Danah an innei chawp si a, an thinlungah Dan thiltih ziak a ni tih an entir a, chu chu an chhia leh ṭha hriatnain a hriatpui a, an rilrute chu a inhnial a, thiam loh a chantir ṭhul a, thiam a chantir ṭhul a.

(8) *Rom 1:32*. Chutianga thil titutechu thi zia reng an ni tih Pathian ruat chu hre reengin, anmahni chauha ti pawh ni lovin, mi dang ti ṭhinte chungah chuan an lawm bawṭ ṭhin.

3. Kan chhia leh ṭha hriatna aṭangin Pathian chuan kan sualte avangin min hrem dawn a ni tih kan hria.

4. **A thil siam leh kan chhia leh ṭha hriatna aṭanga Pathian chungchang kan hriat ngai loh chu engnge ni?**

(9) *Tirhkohte Thiltih 16:29-30*. A vengtu chuan khawnvarte a lam a, a zuang lut a, hlauva khur chungin Paula leh Sila hmaah a bawkkhup a; tin, anni chu a hruai chhuak a, "Pute u, chhandama

awm turin engnge ka tih tur?"

(10) *1 Korinth 2:9*. Mita hmuh ngai loh, beng a hriat ngai loh, mihring rilrua lut ngai lo, Pathianin a hmangaihute tan a buatsiah apiangte chu, tih zia ang khan.

4. A thil siam leh kan chhia leh tha hriatna atangin Pathianin min chhandamna atana a hnathawh chu kan hre thiam thei lo a ni.

5. A nih, engvangin nge Baibul kan mamawh?

(11) *2 Korinth 4:6*. Isua Krista hmelah chuan Pathian ropuizia hriatna êng chu min pe turin, "Thim ata êng a êng chhuak ang," titu Pathian chuan kan thinlungte hi a chhun êng ta si a.

(12) *2 Timothea 3:15*. Hnathawktu, thutak thu fel taka hman chu zak tur a ni lo angin, Pathian ngaiha thaa inentir turin thahnem ngai rawh.

(13) *Tirhkohte 16:29-32*. A vengtu chuan khawnvarte a lam a, a zuang lut a, hlauva khur chungin Paula leh Sila hmaah a bawkkhup a; tin, anni chu a hruai chhuak a, "Pute u, chhandama awm turin engnge ka tih tur?" a ti a. Anni chuan, "Lalpa Isua ring la, tichuan chhandamin i awm ang, nang leh i chhungte nen," an ti a. A hnenah leh a ina awm zawng zawngte hnenah chuan Lalpa thu a sawi a.

5. Baibul chu min chhandamna tura Pathian hnathawh min tihlansaktu êng a nih avangin kan mamawh a ni.

Baibul `hen hnih

6. Thuthlung Hlui chu engnge?

(14) *Hebrai 1:1*. Pathian, hmasanga thlahtute hnena bung tam tak leh kawng tinrenga zawlneitea thu lo sawitu khan.....

(15) *Tirhkohte 3:18*. Nimahsela Pathianin zawlnei zawng zawng kâah, Kristan hrehawm a tuar tur thu a hriattir lawk kha, khati khan a thlentir ta a ni.

6. Thuthlung Hlui chu Baibul bu thenkhat, Krista lo kal hmaa zia,

Chhandamtu pe tura Pathian thu tiam tar langtu chu a ni.

7. Thuthlung Thar chu engnge?

(16) *Tirhkohte 3:18*. Nimahsela Pathianin zawlnei zawng zawng kâah, Kristan hrehawm a tuar tur thu a hriattir lawk kha, khati khan a thlentir ta a ni.

(17) *Hebrai 9:15*. He mi avang hian, ani chu thuthlung thar palai a ni, thuthlung hmasa hnuaia bawhchhiatnate lak ata tlan nan mi a lo thih tak avangin, kohvate chuan chatuana roluah tur thutiam chu an chang thei ang.

(18) *Johana 20:31*. Nimahsela heng hi Isua chu Krista, Pathian Fapa a ni tih in rinna tur leh, in rin a, a hminga nun in neihna turin ziak a ni.

7. Thuthlung Thar chu Baibul bu ðhenkhat, Krista lo kal hnua ziak, Pathianin Isuaa a thu tiam a tihfamkim dan tar langtu chu a ni.

8. Thuthlung Hlui leh Thuthlung Thar min pe turin Pathianin tute nge a hman?




(19) *Hebrai 1:1-2*. Pathian, hmasanga thlahtute hnena bung tam tak leh kawng tinrenga zawlneitea thu lo sawitu khan, heng ni tawp hian keimahni hnenah a Fapaah chuan thu a sawi ta. Chu mi chu engkim rochungtuah a ruat a, chu mi pawh chuan khawvelte chu a siam.

(20) *2 Petera 3:2*. Zawlnei thianghlimte thusawi lawk leh, in tirhkohte kâah Lalpa leh Chhandamtu thupek chu in hriat rengna turin.

8. Pathianin Thuthlung Hlui min pe turin zawlneite a hmang a, Thuthlung Thar min pe turin Isua zirtirte a hmang a ni.

Baibula Lehkhabute

"Baibul" tih thu mal hi Grik ðawnga "Bablia" tih aþanga lo kal a ni a,



a awmzia chu "Lehkhabute" tihna a ni. Baibul-ah hian lehkhabu bu 66 a awm a, chungte chu mi 40 velin B.C. 1400 ațanga A.D.100 inkar vela an ziak a ni a. Baibul an koh țhinna hming dangte chu "Pathian Lehkhabute" emaw, "Pathian Thu" tih hi a ni.

Thuthlung Hluiah hian bu 39 a awm a, Hebrai țawnga ziak a ni. Thuthlung Tharah hian bu 27 a awm a, Grik țawngin a inziak thung. Baibul chu Sap țawng pawhin kan chhiar thiam a ni mai thei e. Lehlinna rin tlak zual bik deuhte chu: King James Version (KJV), New International Version (NIV), New King James Version (NKJV), An American Translation (AAT), leh New American Standard Bible (NASB) te hi a ni.

Thuthlung Hlui Lehkhabute chu:

Chanchin chhuina lam bute

<u>Bu Hming</u>	<u>Lam tawi</u>
Genesis	Gen.
Exodus	Exp.
Leviticus	Lev.
Numbers	Num.
Deuteronomy	Deut.
Josua	Jos.
Roreltute	Ro.
Ruthi	Rut.
1+2 Samuela	Samu.
1+2 Lalte	Lal.
1+2 Chronicles	Chro.
Ezra	Ezr.
Nehemia	Neh.
Estheri	Est.

Hla lam hawi bik bute

Joba	Job.
Sam	Sam
Thufingte	Thuf.
Thuhriltute	Thur.
Hla Thlankhawmte	HTK.

Zawlnei lehkhabute

Isaia	Is.
Jeremia	Jer.
Ṭah Hla	TH.
Ezekiela	Ezek.
Daniela	Dan.
Hosea	Hos.
Joela	Joel.
Amosa	Amos.
Obadia	Obad.
Jona	Jon.
Mika	Mik.
Nahuma	Nahum.
Habakuka	Hab.
Zephania	Zep.
Hagaia	Hag.
Zakaria	Zak.
Malakia	Mal.

Thuthlung Thar Lehkhabute chu:

Chanchin chhuina lam bute

Mathaia	Mt.
Marka	Mk.

Luka	Lk.
Johana	Joh.
Tirhkohte	Tirh.

Lehkha thawnte

Rom	Rom
1+2 Korinth	Kor.
Galatia	Gal.
Ephesi	Eph.
Philipi	Phil.
Kolossa	Kol.
1+2 Thesalonika	Thes.
1,2 Timothea	Tim.
Tita	Tit.
Philemona	Philm.
Hebrai	Heb.
Jakoba	Jak.
1+2 Petera	Pet.
1+2+3 Johana	Joh.
Juda	Jud.

Hrilhlawkna Bu

Thupuan	Thup.
---------	-------

Baibul hi Pathian Thu a ni

9. Baibul hi engnge ni?

(21) *Marka 7:10-11,13.* Mosian 'i nu leh i pa chawimawi rawh,' 'Tupawh a nu emaw, a pa emaw sawichhia apiang chu thi mawlh rawh se,' a ti si a; nangni erawh chuan heti hian in ti thin, 'Miin, a nu emaw, a pa emaw hnenah, i mi chhawrna tur hi Korban a ni tawh, a tih chuan, (chu chu, 'Pathian hnena pek,' tihna a ni a), mi

hnenah in thurochhiah pek chhawn hianin Pathian thu hi in bawh bo ðhin a ni; chutiang thil chu tam tak in ti ðhin," a ti a.

(22) *1 Thesalonika 2:13*. He mi avang hian bang lovin Pathian hnenah lawmthu kan hril bawh ðhin, Pathian thu kan hnen ata in hriat, in pawm lai khan, mihring thu pawmin in pawm lo va, Pathian thu pawmin in pawm zawk avang khan; chu chu Pathian thu a ni reng a, nangni a ringtute chhunga thawk bawh ðhin chu a ni.

(23) *1 Petera 1:23*. Chi chhe thei lakah ni lovin, Pathian thu nung reng leh awm rengah chuan chi chhe thei lo laka piang thar in ni zawk si.

(24) *Hebrai 4:12*. Pathian thu hi a nung a, thil a ti thei a, khandaih hriam tawn eng ang ai pawhin a hriam a, nunna leh thlarau, ruhtuah leh thling phel hrang khawp hialah a chhun thei a, thinlunga ngaihtuah leh tumte hi a hre nghal thei a ni.

9. Baibul chu Pathian Thu nung leh thiltithe chu a ni.

10. A ziaktute mihring an ni reng si a, engtin nge Baibul-a thu zawng zawngte hi Pathian Thu a nih theih?

(25) *2 Petera 1:21*. Thu hrilh lawk reng reng hi mihring thua chhuak a ni ngai si lo va, miten Thlarau Thianghlim tirhin Pathian hnen ata an sawi zawk ðhin a ni.

(26) *2 Samuela 23:2*. Lalpa Thlarau chuan keimah mi hmangin a sawi a: A thu chu ka leiah a awm a.

(27) *Johana 14:26*. Thlamuantu, Thlarau Thianghlim, hminga a rawn tirth tur khan, chu mi chuan engkim a zirtir ang che u a, in hnenah ka sawi zawng zawng a hriat chhuahtir leh ang che u.

(28) *1 Korinth 2:12-13*. Chutichuan, athlawna Pathianin thil min pekte chu kan hriat theihna turin, keini zawngin khawvel thlarau ni lovin, Thlarau, Pathian hnenah mi chu kan hmu zawk a ni. Mihring finna zirtir thua sawi lovin, Thlarau zirtir thua sawi zawkin, Thlarau lam thute chu thlarau lam mite hnenah hrilhfiahin, chung thil min pek thute pawh chu kan sawi ðhin.

(29) *2 Timothea 3:16*. Pathian Lehkha Thu zawng zawng hi Pathian thawk khuma pek a ni a, zirtir kawngah te, zilh kawngah te, felna zirtir kawngah te a sawt bawk a ni.

10. Mihring Lehkha ziaktute chu Thlarau Thianghlimin an ngaihtuahna chauh a kaihruai mai a ni lo va, an ziak tur thute pawh a zirtir vek a nih avangin Baibula thu zawng zawngte hi Pathian Thu a ni. (Hei hi Thu tinreng thawk khum tih a ni.)

11. Baibul chu Pathian Thu a ni tih aṅang hian engnge chiang taka kan hriat theih?

(30) *Number 23:19*. Pathian chu dawt hmang mihring mai a ni lo, Lamlet hmang hringfa a ni hek lo. A sawi tawh chu a tipuitling lo vang em ni? A lo sawi tawh chu a tipuitling lo vang em ni?

(31) *Johana 10:35*. Pathian Thu thlennate mah pathianho an tih chuan (Pathian Lehkha Thu ban theih a ni si lo va).

(32) *Johana 17:17*. Anni chu thutakin tithianghlim rawh, i thu chu thutak a ni.

11. (a) Baibul chu Pathian thu a ni tihin chiang taka min hrih chu Baibulah hian tihsual a awm lo va, a sawi zawng zawng hi a dik vek a ni.

(33) *Sam 119:114-116*. Nang chu ka bihrukna hmun leh ka phaw i ni a: i thu ka beisei a ni....Ka nun theihna turin i thu ang zelin mi chelh reng la, ka beisei chungah hian zakin mi awmtir suh ang che.

(34) *Numbers 23:19*. Pathian chu dawt hmang mihring mai a ni lo, Lamlet hmang hringfa a ni hek lo. A sawi tawh chu a ti lo vang em ni? A lo sawi tawh chu a tipuitling lo vang em ni?

(35) *1 Korinth 2:4-5*. In rinna chu mihring finnaa inngat lovin, Pathian thiltihtheihnaa inngata a awm theih zawkna turin, ka ṅawng chhuak leh ka thu hrihthe chu thu finga thlemna thuin a ni lo va, Thlarau leh thiltihtheihna hriattirin a nih zawk kha.

11. (b) Baibul chu Pathian Thu a ni tih aṅangin Pathianin a thutiam a

hlen ngei dawn a ni tih kan hriat avangin Baibula thutiam zawng zawngte hi kan ring thlap thei tih kan hre Chiang êm êm a ni.

12. A Thu a nih tlat avangin Baibul chu engtia hmang lo turin nge min khap?

(36) *Deuteronomy 4:2*. Lalpa in Pathian thupek ka pek che u hi in pawm theihna turin, thu ka pek che u hi in belhchhah tur a ni lo va, in tikiam tur a ni hek lo.

(37) *Thupuan 22:18*. He lehkhabu hrilh lawkna thu hria apiang ka hriattir e. Tupawhin heng thu hi a belhchhah chuan, he lehkhabua hremna ziate hi Pathianin a chungah a belhchhah ve ang;

(38) *Jeremia 14:14*. Lalpa chuan ka hnenah, zawlneite chuan ka hmingin dawl an hril thin a nih chu; anni chu ka tir lo va, thu ka chah lo va, ka be bawh hek lo. An thil hmuh hleih lohte, thumvawr tlaktlai lo te leh an rilru dawhâ-na te an hrilh che u a ni, a ti a.

(39) *Mathaia 15:9*. Engpawh ni sela, an zirtirnaah mihring thupek an zirtir avangin an mi biak thin hi athlawn mai a ni.

(40) *2 Petera 2:3*. Sum awh avangin dawl thuin sumdawn nan an hmang ang che u; nimahsela hmaha an chungah thu rel tawh chu a la ding reng a, anmahni tiboraltu tura pawh a muhil lo ve.

12. (a) Pathianin Baibul chhung thuah mahni ngaihda, hmuhdan, leh zirtirna belhchhah lo turin min khap a ni.

(41) *Deuteronomy 4:2*. Lalpa in Pathian thupek ka pek che u hi in pawm theihna turin, thu ka pek che u hi in belhchhah tur a ni lo va, in tikiam tur a ni nek lo.

(42) *Thupuan 22:19*. Tupawhin he hrilh lawkna lehkhabu thua mi thu a lak bo chuan, he lehkhabua ziate Nunna Thing leh Khaw Thianghlina a chan chu Pathianin a la bo ve ang.

(43) *2 Timothea 4:3*. Zirtirna dik an ngaih peih loh hun a la thleng dawn si; an bengte a zat avangin, anmahni duhzawng angin zirtirtute an hnenah an khawm zawk ang.